

第一三三冊

方輿彙編

職方典

贛州府部

南安府部

浙江總部

杭州府部

(卷)

九二—九四

九五—九六

九三—九四

九五

古今圖書集成

中華書局影印

古今圖書集成

卷一百一十五

古今圖書集成

卷一百一十五

欽定古今圖書集成方輿彙編職方典

第九百二十一卷目錄

贛州府部彙考三

贛州府山川考三

贛州府城池考



而止岑然特峙如翠屏然峯之支曰佛祖嶺嘗有佛子卓錫於此故名

綿山 在縣北六十里勢峭拔支衍諸山綿互不絕

丫髻峯 在縣西十里堪輿家指爲天孤山

蜜石巖 在縣東北一百二十里峯巒圓整奇特常有蜂釀蜜其下故名

東陽巖 在縣西南八里與金精山相近腰有一巖中藏木鐘響應其麓有泉石竹木之勝其泉曰仙液

虔化石

在縣西五里狀如虎下有陂亦名虎相傳石爲虎所化者不曰虎化而曰虔化亦如虎頭山之避諱也因以名縣

方竹巖 在縣西十里多生方竹

官人山 縣西十里昔有仕人避寇於此故名四面壁立橫通一線天光攀躋而上則夷然平曠中有一巖如抱曰蒙巖有泉如曳線曰蒙泉左一巖人呼輒應曰虛巖一泉積澗不涸曰哀泉二峰幽閼不露曰潛峰山之麓有泉有湖南山夾澗可一里許景致奇絕人謂之小桃源陳大綸有記

蓮花山 在縣西二十五里峯巒轟轟如蓮花巖有三峯中有仙女湖下有龍湫鎮以巨鐘構祠祀焉

白茅峰 在縣西三十里生白茅下亦有龍潭四時常吐雲氣又有龜湖亢旱不涸

君子峰 在縣北二十里形如卓筆邑人衷愉

舊廬在焉

濛山 在縣北二十五里山間雲氣濛濛懸崖飛瀑注石池中頂有巖方丈前爲戶牖石牀石梯不假斧鑿皆天成中虛一巖可容百餘人餘巖穴小大各極其妙相傳晉時里人賴箕廬於此

中華峰 在縣北八十里

盧穆巖 在縣北一百二十里崛起千仞巖之石戶如甕內廣袤幾十丈左壁一竇持炬從竇入深廣半之頂有泉甚清冽唐盧穆廬華於此仙去足跡猶存

凌雲山 在縣北二百里高數百丈迤邐而上臨川廬陵諸峰歷歷可見左右石峰插峙其下龍湫涓滴有丁東聲號爲衙鼓洞投鐵觸龍風雨立至世傳漢高帝祖墳在其上故建漢高祖廟於山麓後董越有詩明其誣然是山常有虎豹守之人莫能登又可異焉

大明山 在縣北二百里與凌雲山相近

雲石 在縣東南二十里巖有湖南宋大明中有人躡其上見湖中蛟犀出沒

雲蓋山 在縣東北八里

梅嶺 在縣東北二十里

東陽洞 在縣西南八里近金精山巖藏木鐘金精木鶴鳴則鐘應之有泉名仙液

箕簣谷 在縣西北七里與金精相望修竹數十畝翠篠蒙密有飛來峰有獅子峰有翠巖有釣臺有瓢泉邑人曾與宗自考亭歸建精舍於

螺石山 在縣南十里有巖曰寶獅邑令陳大綸培土於山頂以作南鎮

異峯山 在縣東二里山勢巖崿迤邐界異江

方輿彙編職方典第九百二十一卷贛州府部

谷旁扁曰歲寒結廬一曰水竹幽居以處四方之來講學者

蒼山 在縣西北七里邑人曾原一建萬象亭於此故號蒼山隱人

青陽洞 在縣西北十里奇崖峭壁修竹茂林

澄潭清澈可鑑邑人曾益之居此今巖下建有佛殿

金精山 在縣西北十五里有峰十二丹崖翠

壁煙靄明滅奇怪萬狀道家列爲三十五福地

漢時里人張芒女麗英飛昇於此其海螺巖半

月巖靈泉皆山中景也而靈泉仙跡尤異

甘泉巖 在縣西北二十里泉瀑自巖下注左

有隆興巖廣可丈餘中有石基枰

東華山 在縣西北二十里景最奇勝隔澗爲

青陽

桃林山 在縣西北二十五里徧山皆桃雜以

佳卉

海螺岩 在縣西北十里金精山側形如海螺

密石 在縣南六十里

隆興巖 縣北二十里甘泉巖左廣可丈餘中

廣方丈刻有石枰遊客奕其間

盧穆洞 在縣北一百二十里崛起千仞山腰

有巖石戶如甕廣袤幾十丈左壁一竇持燭入

復一室深廣半之巖有泉溜成窪清冽可酌唐

盧穆盧華羽化於此足跡俱存

青陽巖 在縣西北十里奇崖峭壁修竹茂林

中有龍湫澄澈底宋邑人曾益之居此今建

佛殿巖下

響石 在縣北四十里過客有聲輒應上有仙

洞

梅川 在縣北一百二十里源出梅嶺經麻源

丁坡梅口東南會白沙白鹿東北會鰲溪小溪

東江西北會龍溪桃溪西江諸水流經零都縣境入貢水

璜溪 在縣南三十里流自梅川形如半壁世

傳溪水有聲珊珊如觸玉璜然當出名賢明成

化己丑是溪水作璜聲三日其年董文僖公果

擢進士及第其子天錫以世家溪上因以璜溪

爲號

雙魚洲 在縣南一里浮臥江中如遊魚巨浸

不沒今建畫錦亭于其上

鉤洲 在縣南二十里彎環曲折如鉤然地隔

數百武舟行必遲迴半日乃過所謂梅川關鎖

不虛矣

白沙 在縣東南二十里其源自武峰麓東南

逕上團逾石城豐義逕中團會武峰麓南水至

於松湖入於梅川

龍溪 在縣西北一里其溪自黃干嶺又自蓮

花白茅峰逕響石會小桃源水會度化水逕龍

溪至塔下入東西江水達于梅川

桃溪 在縣西北二十五里其溪自桃林山至

安福渡會石人嶺水至于蓮湖入東西江水達

於梅川

西江 在縣西北二十里其江自清音里下與

潭口水合潛爲西江會東江南至吳口渡會鰲

溪水達於梅川

東江 在縣東北一百二十里其江自梅嶺逕

梅口會黃土嶺水至洛口與安樂新吉密石諸

水合潛爲東江會西江南至吳口渡會鰲溪水

達於梅川

鰲溪 在縣東北三十里其溪自修嶺至吳口

渡入東西江水達於梅川

小溪 在縣東北二里其溪自雀礫龍湫逕桐

江會南當水逕溫江達於梅川

白鹿水 在縣南五十里其江自石城意口逕

童坊會寒溪水逕油槽嶺會蜀田團水逕黃石

觀會瑞金大柏地水逕黃村入於梅川

三江 在縣北一里識云三江水合狀元回明

成化戊子三江水合明年己丑董文僖應之

淳水湖 古額有三其關縣治風水一在縣西

城隅馬道畔湖右有一印陀向爲居民廖景威

侵占幾於湮沒明隆慶元年分巡嶺北道董世

彥按縣修治官陂水利清查前湖復濬淳水印

陀築建董公亭於上近民嚴居愛義捐湖畔已

地并池一口以拓其址其陂水逕流之處載在

碑文一在縣署東南馬屋一在縣東迎旭門內

平水湖 在縣署西靈山寺小學前南百武今

失故址

潮湖 在縣迎旭門外一日三朝其沙如灰

筆硯湖 古額有二一在縣之西三里劉屋下

一在縣西一里尉背嶺又云獻花塘

青草湖 縣西十里在萬斛里竹坑

仙女湖 在蓮花山頭舊傳有仙女浴於此

靈泉 金精山巖左畔兩巖合峙瀑布自巖飛

注石臺行流曲渠下入石竅中泉極清冽沁骨

時雖盛暑亦如隆冬以真人之靈故名騷人墨

客每環坐石上流觴爲樂舊傳有僊以白玉杯

飲於泉側酒乾反掌印石置杯石上仙去掌跡

宛然不沒杯入石中經寸後之遊觀者往往力

取莫之能動明弘治間知縣怪而鑿之遂缺杯

底一角遺石中歷今猶存其靈異如此

白石泉 在縣西北三十里安福鄉白石罇溢

出如縷寒冽甘美可辟煩悶

愛蓮池 有三一在縣正衙思莊樓下一在清

軍廳後一在督糧廳後有關縣治風水宜常加

疏濬

放生池 在縣東梅江上下五里關江構亭曰

嘉惠後改仁澤宋時厲禁漁捕元禁弛今廢

劉家池 舊志載鎮遠門外西北官陂水利穿

壕入城之處

彭家池 舊志載鎮遠門西北官陂水利城外

經流之處

瑞金縣

錦被嶂 在縣東十里形如簾幕其下有陂

大隘嶺 在縣東二十里路通閩廣

石岡 在縣東三十里

茅山嶂 在縣東四十里

雲龍岡 在縣南半里一名黃芝園雲山排闥

江流襟帶邑人湯拱樓運於此故別號龍山

龍山 在縣南二里

筆架峰 在縣南十五里三峯並峙如筆架

軍門山 在縣南二十里綿亙若布軍然

平布岡 在縣南三十里

螺石山 在縣南四十里人跡罕到如螺形如

仰龜如躍馬如屏障與香山對峙

雙峯 在縣西十里俗呼貴人峯

月圓巖 在縣西四十里一名皇恩其狀如魚

橫闊十餘丈巖前有二潭曰小龍曰龜池宋天

聖中僧法明結廬其上勅賜金額

石門山 在縣西四十里巨石峭峻如門止可

容一騎

郎當嶺 在縣八十里

紫雲岡 在縣北六十里時有雲覆其上

藍石 在城東南五里形如伏獅

鷄籠山 在縣東南四十里

獨旗山 在縣東北七里

龍霧嶂 在縣東北三十里有仙女池旁有

棋盤石即後周謝仙翁樵採得仙處

陳石山 在城東北五十里有巖深廣十丈餘

舊傳陳霸先嘗寄跡於此故巖之上有將臺有

兵寨內有劔門九曲洞打屠巷石廳石梯石鼓

龍湫龍池外有天柱劔峰玉峽水簾注水巖試

劍石六和精舍

北隘嶺 在縣東北七十里橫界長汀縣

劍嶺 在縣西南十里橫斜如劔舊名賴婆凹

塔石 在縣西南二十里其形如塔對面旗鼓

石相嚮

黃沙岡 在縣西南六十里與會昌接壤

大障嶺 在縣西北五里爲治主山

寶蓋峯 在治西北二十里

龍子嶺 在縣西北二十里下有龍窟禱雨輒

應

雙髻嶺 在治西北二十里

石螺嶺 在縣西北三十里上有仙女湖方二

畝四時不涸

九仙巖 在縣西北五十里相傳有九道人於

此乘金龍去

銅鉢山 在縣西北五十里爲縣祖龍巖最高

聳雖天氣晴朗而烟霧常羃其頂舉目千里豁

然大觀下有龍井井中露石如爪所雨見爪多

應前有香爐山有騰雲石上有昭靈祠遠近祈

禱者不絕踵

齊雲峯 在縣西一百里

黃竹嶺 在縣東北八十里

鑿嶺 在縣東四十里

注水巖 在縣東陳石山下溪廣二丈許舊傳

伏虎禪師駐錫於此巖上有竇日出米隨人多

寡可給後鑿而大之竟不出米惟泉流不涸又

名曰羅漢石

馮屋岡 在縣北半里

匹鳥岡 在縣西半里一名下坊

竹岡 在縣南半里地多產竹故名

巖隔寨 在縣東四十里一名小寨形如天柱頂絕險勝可容千餘人鄉人避寇多居之

龍石 在縣東十里峻石蔓延十餘里其狀踴躍如龍

試劍石 在陳石巖前石面兩裂如劍斫痕

綿江水 源出陳石巖流五十里抵縣前合貢

水又合烏村智水銅鉢山瀨水羅田浮圖水流經會昌零都繞府城入章水

龍湖 在縣藍田山巔清澈如鏡林莽幽鬱不寒而栗中有龍穴可祈禱雨

陸公泉 在縣西南東明觀前宋大觀中縣尹

陸蘊搜尋勝跡得唐人陸藻軒前山色依然綠溜下泉聲漱玉寒之句於石竇間因浚此泉後

被召邑人遂以取名宣和壬寅鄧公衍建亭曰潔襟今廢

智水 在縣北八十里源出烏村經焦口與寧

都水會經零都入章水

瀨水 在縣北四十里源出銅鉢山下經承口

過零都入章

浮圖水 在縣西四十里源出長汀地方經本

縣羅田茅山入江又謂之羅水

龍池 在縣東北五十里陳石巖上可容百餘

人伺雲龍舒卷卜晴雨

仙女池 在縣東北三十里龍霧嶂後旁有棋

盤石舊傳周時謝仙翁樵於池側見二女奕旁睨之女啗桃投核謝取其仁啗之奕能恍然失其所

龍門潭 在縣西南六十里

老虎潭 在縣西南八十里

郭公潭 在縣西南五里

石深潭 在縣西南二十里

廟屋潭 在縣西南三十里

草鞋潭 在縣西南三十五里

兩頭潭 在縣西北十里

茶壺灘 在縣西南十五里峭石橫截江中驚

濤怒浪勢如傾瀉最為險阻

浮橋龍灘 在縣西南十三里水洶湧而石險

惡略次茶壺灘

塔石灘 在縣西南二十里

凌溪 在縣西南三十五里發源於凌田之香

山南流入江山下有深潭舊傳為龍穴正統間

里人鍾姓者募工疏而廣之利於灌溉

龍南縣

障川山 在治東一百里一名水口怪石磊落

麓盤三江之口

官山 在縣南一里高數百丈

芙蓉山 在縣南五里狀如芙蓉

五公山 在縣南八里五山並列朝縣

馬鞍山 在縣南十里有陳忠節墓

三指山 在縣西南八十里三山如指並列

松林巖 在縣西南八十里寬曠可居中有古

佛三尊至今猶新凡旱澇疾病有禱輒應背有

峯卓立半壁懸開一竅時平則聞鼓樂聲將亂則聞鉦角聲

賴嶺 在縣南二十五里

油瓶山 在縣南三十五里路自上而下平臨

溪濱中有巖洞左鐘右鼓又曰鐘鼓巖隔水有

三石笋森立相向

上皇山 在縣南三十里山勢高聳樹木森鬱

上有古庵額曰上皇不知何謂

清修山 在縣南四十里其高千仞開局一二

里上有環山曲水茂林修竹肇基於唐至明時

改建庵宇祈福輒應登山四顧迥出塵俗別是

一洞天也故名清修

嶧山 在縣南五十里有怪石流泉之勝

君山 在縣南七十里下有古城壕塹

松樟山 在縣南八十里古松瘦樟森然蒼翠

石笋三十各高有十餘丈

角子山 在縣南八十里

天井湖山 在縣南八十里上有泉井四時不

涸其下有水湖淵泓澄淨

菖蒲嶺 在縣南八十里下有澗水

歸美山 在縣南一百里一名龜尾一名神闕

高百餘丈有自然石城左右石峽如雙闕山產

水晶果以與龍山對故謂之龍頭龜尾

黃牛石 在治南一百里

三吳嶺 在治南一百五十里

大小白嶺 在治南一百五十里

帽山 在治南一百五十里

銀山 在太平鄉上有古廟今猶存

犁鼻山 在縣西三十里

尖子山 在縣西四十里其山尖入青冥羣山莫及

葛溪山 在縣西七十里下臨溪水

筋竹山 在縣西八十里生竹茂盛

水尾山 在治西一百二十里高百丈林木蓊然橫於江水之尾

仙女石 在治西一百二十里下有神祠

樟山 在縣西百五十里

界山 在縣西一百五十里溪通龍川與漓潭水合界抵廣東

玉石巖 在縣北五里有石瑩如白玉山半有洞廣數十丈旁有巨人跡宋太宗賜書百二十卷邑人建閣藏之下有玉跡寺治平間賜額普和明萬曆甲戌縣令王繼孝構亭建坊扁曰天

開圖書曰玉虛勝境此上巖也巖之後重重深入旁有石鐘鼓石田圳之類進登高臺大寶通天明爽空闊督府王凱旋憩此題曰陽明小洞天郡守邢題其門曰鞠躬此下巖也而下巖後諸石柱石門扇之類雖刻畫不及凡六七洞或下而深入或升而上穿視二巖大勝人謂杭州飛來峰不是過

龍山 在縣北二十里上有龍湫

靈應山 在縣北二十五里岡巒重複吞吐烟嵐望之如列畫屏昔嘗建寺艱於水有禪僧飛錫東行泉如湧出故名

黃土嶺 在縣東南四十里

崎嶇 在縣東南八十里

程嶺 在縣東南八十里

油潭嶺 在縣東南一百三十里

猿山 在縣西南一百二十里

冬桃山 在縣西南二百里上有桃樹經冬始熟下有溪流名桃川

大岳山 在縣西南二百里上有五岳廟今廢

峯門嶺 在縣西北六十里

通天巖 按通志在縣東北五里與玉石山相近洞高數十丈上有一竅通明中歷三級有石象石田石鐘鼓之異內通小洞高廣數十丈深五六丈有石井石碁盤石竈上無竅遊者持炬由洞鞠躬而入正德丁丑春都御史王守仁平龍川洩寇班師回鄉偕郡守邢珣同遊愛其勝作平南記刻於洞壁

白石嶺 在縣治二十五里上有白石膏

鵬子障 在縣治三十五里山高數里列障如屏

小武當山 距縣治一百二十里有九十九石笋如列戟有僧應蓮建庵宇其上

南官山 在縣治一百里

三門山 在縣治一百五十里

金盆山 在縣治二十里層巒疊嶂周圍廣數十里常有雲霧籠罩山南有張天塘一泓碧水凝注山頂四時不涸

宮山 在縣治北二里三江水會於山下古嘗建倉於此

將軍山 在縣治八里與駝山交峙水口

青龍髻 在縣治二十五里

羊稠嶺 在縣治二十五里

牛墩山 在縣治二十五里明崇禎年間建塔於此

老度山 在縣治二十里

玉石下巖 在玉石上巖右門左一竅臨田知縣文程築臺其上題曰省耕重重深入旁有石鐘鼓石田圳之類進登高臺大寶通天明爽空闊可列桌款客百人坐立明正德戊寅都憲王守仁征洩凱還憩息其中題曰陽明小洞天并畱詩記又一洞磬折而入郡守邢公題曰鞠公門有小竅微光盡處一井旋迴下穿不可以底投之以石則錚錚有聲久而後止居人謂其下通龍湫

玉石新巖 即玉石下巖後路僻徑深中石如玉多爲水痕諸石柱石門扇之類雖刻畫不及空洞曠邈視二巖大勝內凡六七洞或下而深入或升而上穿余謂杭州飛來峰不是過也第須火入爲少讓耳且意即與通天巖中龍井處相接彼此洞穿人不能通耳鄉人以新得故曰新巖

彈子石 去縣治二里孤峙江濱頂圓如彈丸

龍圖尖 去縣治一百二十里

祿馬山 去縣治二十里聯嶂環列狀若繡屏

鶴鷹山 去縣治二十里孤峰挺峙四圍石壁嶙峋山頂有名泉取之不竭有一石形如鶴鷹故名

曹嶺 在縣治東北三十里

芙蓉嶂 在縣治東北五里狀如芙蓉故名

桃水 在縣西門外源出東桃山會岳山銀山

馬坑黃牛石南北嶺額嶺帽山筋竹山三指山

尖子山婆嶺樟木嶺水尾山葛溪山諸水入三

江口

龍湫 在龍頭廟去縣治北三十里其流四時

不息旱禱輒應

熱水湖 在新興保去縣一百五十里其湖近

河土人以溫處浴身熱處潔性

石龍窟 在縣北十里四面皆石水從中出天

陰雲起大雨隨至

渥水 源出小武當歸美諸山會上皇諸山之

水至縣城北匯為三江水

濂水 源出橫江合形華程嶺諸山之水至城

北匯為三江水

車子霸水 源出東坑至盤蘭山入濂水

太平江水 源出帽山角子山銀山至羅盤江

入桃水

大龍江水 源出大龍諸山流入桃水

洒源水 源出犁鼻山合祿馬窰坑諸水至鎖

口入三江合流而下

三江口水 桃濂瀾三水合流三十里至龍頭

灘高水急亂石橫陂凡舟楫上下必移所載于

崖舟虛方可渡且募土人為之駕放兩岸峭壁

春夏水漲攀緣無路萬曆年間知縣王繼孝鑿

開石路百餘丈今稍便之其流經信會零都諸

水合章貢入大江

溫泉 有三一在龜湖去縣治四十里一在太

平去縣治一百四十里一在羊嶺去縣治一百

四十里巔上飛泉至山麓皆溫可浴

湯湖 在上蒙保去縣治三十五里熱沸如湯

鄉人用以魚猪

肥潭 在上蒙保去縣治八十里闊二丈許深

數尺源自地湧產肥魚無骨味佳二月出者名

桃花魚八月出者名桂花魚今潭已涸而魚亦

無矣

石城縣

琉璃山 在縣東五里劉仙姑啖異果得仙處

又名仙姑山其障列如開畫屏登閣望之人禽

出沒點破山容

淨土巖 路由露瀑巖過二巖相去三里崇巖

絕壑有石鼓石鐘其中一泉一石無不恢奇

拜經巖 在縣南二十餘里巖徑幽僻巖外三

大石戟立溪中其一獨尖抽高數十丈路似古

藤

石馬峽 在縣南秋溪其石似馬伏水中頸上

草一帶縫點若鬚然此草青則鄉中之馬肥黃

而萎則鄉中之馬瘠而疫

石龍嶂 在縣東北三十里上有仙壇一座永

樂間許子清建

榮華峯 在縣北二十里上有仙壇一座鄧子

勝建

筍石 在縣東十里拔地侵天高百餘丈其山

皆石望之若丹霞左從石門入洞仰觀一竅如

牖天光直射洞中右顧一石復如此上聳所謂

砥柱非耶

站嶺 在縣東十里

寶山 按通志在縣二十五里二峯如圭

苦竹嶺 在縣西北十里

滴水巖 在縣西南五十里宏深而高巖頭水

珠散落巖底之下皆竅石玲瓏類百蛇之貫結

也

華蓋山 在縣北七里縣龍起峯過峽之處高

數十丈山頂一石高可丈餘石下銳上廣平而

圓狀如麾蓋名錦繖石相傳宋之中葉一令長

與諸鄉紳乃詢形家曰此地之靈實鍾河山對

日在錦繖石遂率眾伐仆之山下石今存

仙桃巖 在縣西北二十里巖大小不一石之

類桃者頗多方平者不可勝紀中有一石似獅

其上一巨人履跡痕深數寸

魚骨礫 在縣東萬山間石崖倒垂小潭深靚

巖上飛瀑下澗

讀書巖 在縣北舊有石牖石几相傳許褒下

第忘寒炎晝夜苦讀於此後乃成進士

白雲巖 舊名上巖在五龍巖之後巖容數百

人

鷄籠嶂 在縣東十五里

廖家山 在縣東三十里峭峻遂幽人跡罕到

廖姓居焉

遙嶺嶂 在縣東八十里

貴人峰 在縣南十里世傳劉仙姑埋鏡於此
馬石 在縣南十里

通天巖 在縣南十五里石嶙峋深若巨室登
其巔方平若原一竅通天一樹高挺可稱佳境

仙女石 在縣治南三十里有奇兩石夾澗上
架石梁舊傳劉仙姑紡緝之所

夫人嶂 在縣治南三十里有奇上有神祠相
傳為程邦光夫人魏氏居址

洪石巖 在縣南四十里攀磴及頂入石門寬
衍如屋奇葩叢生甘泉湧出北有倒岩云出米

轉而南為獅子岩四面峭石如壁路止一線可
喜可愕

中華山 在縣南六十里一名鑿龍山上有仙
壇產佳茗

賴家山 在縣南七十里跨汀州瑞金境上有
三峰特立

鵝公嶂 在縣南九十里為瑞金界
烏石嶂 在縣西五里一名西華嶂高千仞一

登眺滿城若翠而溪水流白如一線天空海闊
是為大觀

五龍巖 在縣西五里兩崖對峙潭倚山隈唐
貞觀中二豎入山樵採見龐眉五老拄杖倚巖

旁躡而從之無有也止五龍交戲潭中樵者驚
怖走俄而雲翳其巔因名五龍巖

八卦山 在縣西三十里上下有湖皆名龜故
曰八卦

黎子嶼 在縣西五十里為寧都界

迎恩石 在縣北五里石洞軒豁上有三仙祠
筆架山 在縣北二十里

杭峯嶺 在縣北四十里即牛頭突抵廣昌界
樓蓋山 在縣北六十里有岩洞相傳楊真人

煉丹之所又云許褒許國讀書處上有石几石
牖午夜嘗見燈光

牙梳山 在縣北一百里盤據廣昌寧化二界
有三十六面元時蔡五九所聚為巢穴者也今

石將軍石牛欄石馬槽石缸石牀石凳石杵白
猶存

白水嶺 在縣東北三十里上有三仙祠下有
飛瀑

禪山 在縣東北五十里巖瀑飛瀉中有二石
龍

南嶺 在縣東北六十里
羅家障 在縣東北九十里

羅漢巖 在縣西南三十里
苦竹嶺 在縣西北十里

丈夫障 在縣西北三十里舊傳陳邦光家於
此

琴水 源出鷹子岡南流入瀾水合度化水入
貢

燕藪潭 在縣西十里旁有石崖燕往來飛止
其上

魚骨礫潭 在縣東七十里萬山間石巖倒垂
小潭深靚巖上飛瀑下注蔽潭口內有拳石曰

鷄心禱雨者游石上舉篙投詞須臾旋波若汲

而入既入即出緣崖上奔風雨立至
小溪 纏抱小西門大西門逆上南門合縣前

大溪
古樟口 在縣西十里發源寧都界流入大溪

陳坊水 在縣西發源寧都三仙嶼流入大溪
秋溪水 在縣南發源福建汀州界流入大溪

長橋水 在縣西南發源福建黃土垓凡木商
走福建者其木必繇此水運入大溪水口當長

口之下坑田之上
古樟口潭 在縣西五里舊傳潭之西岸有大

樟樹拳曲如龍頭尾跨水面東岸人可以手攀
其葉宋時一令長與諸鄉紳伐此古樟樟流血

浹旬數十年後當天日朗清常見此處有影如
龍蜿蜒數十丈橫江而臥

龍頭潭 在縣南舊傳有漁者化為巨魚鼓鬣
以入於此

溫泉 有五一在東華山之下溪之旁一石如
龜腹下出泉如沸湯作硫黃氣可熟鷄卵其一

在桃枝相去五里浴其水可以已疥其一在九
礫其一在白水下又天池在牙梳山頂其水深

闊泓然澈底
定南縣

文昌山 在縣東先建有亭額曰仰高今改題
曰山高水清

白雲山 在縣東三十里其高百仞明隆慶初
土人欲於此建庵掘地得一石題曰白雲深處

蓋宋淳熙二年勒也竟莫知其所從來因以名

山

指揮嶂 在縣東四十里峯最高而中平窪有窩可容數千人元時嘗有指揮屯兵於此故名

上有瀑布泉

院逕山 在縣東七十里有二龍潭時雲霧蒙其上

葉竹嶂 在縣東七十里頂有長流水莫知其源何來山下田資其灌溉

三台山 在縣南隔河三峯橫列中一峯特起下有印山

西華山 在縣西三里山中有道院

龜尾山 在縣西四十里縣治發脈於此有僧舍花香鳥韻煙靄霞光可供游賞

神仙嶺 在縣北四十五里山有仙人題字微跡山下人時見火光燦耀

大湖山 在縣東北五十里

程嶺 在縣西北六十里以分水為龍南界

湯邦山 在小石保縣東界安遠

劉峯山 在大石保縣東

丫髻嶺 在小石保

華竹嶂 在橫江保山溪泉水衆田藉此灌之

員魚溪水 在縣東北一百里源自南坑坳分水會龍頭嶺水流入信豐龍洲出內江會大河

砂頭水 在下歷保縣東北四十里流入九曲河

油潭水 在縣東二十里由縣城水東入廣東

和平縣下車河

九洲河 係安遠水由大石保過縣之東北入廣東龍川

角壩水 在橫江車步牌離縣北六十里源出院逕山流鹹湖會龍南水

城門水 在橫江保縣北發源處兩岸石壁屹立如城門故名

鶴子水 係安遠水由小石保縣東北流入廣東龍川

獅子潭 在高砂保縣東

洪州潭 在小石保

聚奎井 在儒學前

文昌井 在高寨下右

東井 在東門外

佛子坳泉 在高砂保縣西三十里界龍南

贛州府城池考

通志

本府 贛縣附郭

贛州府城池 晉永和五年郡守高琰建於章貢二水間唐刺史盧光稠拓廣其南又東西南

三隅鑿壕宋州守孔宗翰以東北隅易墊甃石冶鐵錮之元至正癸巳監郡全普庵撒里增築

明指揮楊廉重修正德辛未都御史周南繕治一新周二千五百一十二丈崇三丈厚一丈餘

三面引水為壕長九百四十餘丈深七尺闊十

餘丈城門六東曰百勝南曰鎮南曰興賢西曰

西津東北曰建春曰湧金各建樓其上正德間

知府邢珣先後白於都御史蔣昇王守仁重修

嘉靖間都御史陳察等復修天啓元年都御史

周應秋等復加修築

外縣

雩都縣城池 宋紹興乙丑知縣劉藻始築元至正癸巳通判王榮忠修築周五里崇一丈三

尺南臨大江三面為隍明正德壬申知縣劉天

錫增高五尺

信豐縣城池 宋嘉定三年知縣萬億築週五百四十九丈明洪武十三年千戶汪淵加修高

一丈五尺成化年間知縣李玉倪俊正德嘉靖

間知縣朱諫徐鑾俱加修築甲辰知縣沈學又

增崇五尺有餘

興國縣城池 元至正壬辰判官王榮忠始築

週回四千四百四十五丈高一丈三尺厚如之

東南阻水西北為隍明成化己巳知縣達泰重

修弘治間知縣陳壽曾選增修嘉靖乙未知縣

李淑復修

會昌縣城池 宋紹興間知縣黃鉞始築週二

里五十步高一丈五尺三面阻水南浚壕明洪

武己巳千戶彭英自西南隅拓廣共二百步千

戶牛壽增高五尺正德壬申知縣林信同主簿

重修嘉靖間知縣陳仕萬曆間知縣呂夢齡復

葺

安遠縣城池 明洪武初知縣周泰指揮張可

始築土垣弘治辛亥知縣甘文紹陶甃爲城高一丈七尺有奇廣一丈三尺週四百餘丈壕深五尺廣一丈餘週四百一十丈正德戊寅知縣鄧守重修

長寧縣城池 明萬曆三年知府葉夢熊奉都御史江一麟題准建縣知縣沈文淵始築城池週四百六十二丈九尺五寸高一丈八尺

寧都縣城池 唐太和間知縣王揆始築宋紹興初知縣劉僅危革增修慶元初知縣傅夢泉徙於正南築城濬壕嘉熙間復修元至正丙戌邑耆曾志遠等募修高二丈週七百六十五丈壕闊二丈五尺深五尺明正統己巳知縣周昂重修正德戊寅知縣王天與城加高二尺池浚深三尺

瑞金縣城池 元至正癸巳判官王榮忠始築週三百三十丈高一丈六尺明甲辰千戶鑑廣重修成化間知縣方瑛陶甃砌之正德丙寅知縣林禮增築甲戌葉繼本戊寅鮑珉先後修築濬壕東南阻水西北壕闊二丈深半之嘉靖間知縣王鈺趙勳重葺戊寅知縣程宗舜崇墉三尺萬曆丙戌知縣喬杞復修

龍南縣城池 宋興隆間知縣段秀實始築土城明成化間知縣謝澤陶甃甃之高一丈五尺廣一丈二尺週四百二十丈弘治間知縣張文增補萬曆三年知縣王繼孝重加修築

石城縣城池 宋建炎末知縣余惠迪倡邑人陳皓始築土城明洪武初知縣虞德源修成化

丁未知縣聞紹增築繼以瑞州府同知李寬重修週五百四丈高一丈三尺廣一丈東南阻大溪西北瞰小溪因爲壕下壘巨石高八尺弘治間推官張憲謝珪後先修葺正德辛未署縣經歷周元壽加高四尺嘉靖丙辰知縣成宗曉復修完固

定南縣城池 明隆慶三年知府黃辰奉都御史張翀檄同署安遠同知李多祚署龍南同知龔有成信豐知縣陳瀾開基築城週四百四十丈崇一丈二尺廣七尺萬曆元年知縣劉世懋重修濬壕闊六尺長一百二十丈

欽定古今圖書集成方輿彙編職方典

第九百二十二卷目錄

贛州府部彙考四

贛州府關梁考

贛州府公署考

贛州府學校考

書院社學附

贛州府賦役考

贛州府漕運考

贛州府風俗考

職方典第九百二十二卷

贛州府部彙考四

贛州府關梁考

本府

贛縣附郭

府志

東津橋 在建春門外宋郡守洪邁始造浮橋

改名惠民嘉定甲申左史鄭性之用鉄索聯舟

以濟後廢明宣德庚戌知縣李素重造正統丙

辰通判鄭暹修又廢正德間王兵使秩重建自

是有司修葺以歲爲差

西津橋 在西津門外舊名知政宋熙寧間王

師南征郡守劉瑾始造浮梁宣和間祕閣李邁

寶慶間侍郎聶于述繼修元廢以舟渡明宣德

庚戌知縣李素重造尋廢正德間王兵使秩重

建自是有司修葺以歲爲差

南橋 在鎮南門外宋郡守周必正造浮梁明

宣德間知縣李素重修

畱公橋 在百勝門外宋郡守畱正建故名

中書橋 在西津門外元行中書省翁舟山建

度龍橋 在城東方卽水站里人封邑建

赤瀾橋 在桃源灘之濱邑人劉志隆重建

惠仁橋 在貢水東里人朱永琦重修

白土橋 在貢水東邑人謝時重修

大由鄉小橋 晉咸和元年里人架石爲之明

洪武丙子謝志高重修

白塔大橋 宋里人郭世傳郭紹宗建淳祐辛

丑進士王庸立碑明正德戊寅郭仁重立碑亭

梅林坑口橋 去縣三十里

文溪橋 山坑橋 在西水二都里人劉深

重建

黃鹹橋 在西水二都知縣李素建里人劉滄

修

大猶橋

章水鄉長步橋 明洪武知縣崔天錫建永樂

檢校李慎重修

千秋橋 化龍橋 石鋪橋

雲泉鄉柱源橋 知縣崔天錫建

雙秀橋

長興鄉移溪橋 明洪武知縣邵宗質建

龍溪橋 坑口橋 林口橋

安湖橋 志步橋

建春門東渡橋

西津門西津橋

南門鄧湖渡

湧金門渡 水東謝家渡

大由鄉梅林渡

石瀨渡 竭步渡

受敬鄉源頭渡

郭口渡 藍橋渡

四會鄉王母渡

章水鄉懷人渡

楊梅渡 黃金渡

郎中渡 白澗渡 上灘渡

長步渡

雲泉鄉攸鎮渡

良富渡 望南渡 小猶渡

錫口渡

長興鄉吉步渡

平固渡 江口渡

零都縣

東門阜民橋

朝佛橋

西門西成橋

東南廂躡虹橋

縣南由義橋

宣義鄉東溪橋

禾溪橋 黃金橋 利涉橋

承口橋 下耆橋 唐村橋

峽尾橋 筠竹橋 太白橋

下官橋

黃金鄉銀坑橋

紫微橋 石陂橋

知義鄉佛婆橋

平頭橋

通津門攀桂橋渡 縣之東十里率口渡東南

四里白口渡

城西壩中心渡

宣義鄉龍門渡

新池渡 烏株渡

橫石渡

雞栖渡 承口渡

合江渡

黃金鄉苦竹渡

赤口渡 上吉渡

車頭渡

孤潭渡

知義鄉楓柯渡

信豐縣

嘉定橋 在上東門外朱淳熙間邑令趙師俠

建名平政景德間邑令倪千里新之更名桃江

嘉定甲申圯邑令張溫重修改今名明弘治知

縣倪俊因其故址作浮梁其上萬曆庚寅甘御

史士价倡議鼎建石橋工訖未幾被水衝圯今

仍浮橋

迎恩橋 在縣北門外舊名虹橋架木爲之後

易以石邑令倪千里修之更名朝天明洪武已

卯知縣彭奉先修改今名成化初知縣何讓甃

石爲七堰梁木其上而屋覆之正德初知縣沈

浩嘉靖丁酉知縣徐鑾甲辰知縣沈學先後繼

修丙辰洪水圯同知趙時齊重建石橋仍屋其

上

縣東長壽橋

公橋 黃泥坑橋

縣南蓮花橋

烏鋪橋 袁婆橋

大塘橋

火鑒坑橋

縣西竹橋 知縣倪俊改名永興

錢岡橋 白竹橋 延壽橋

桃枝橋 古木橋

縣北雞社橋

三板橋

縣東南火坑橋

縣西南張公橋

七星橋 谷溪橋 延齡橋

東門桃江渡

縣東黃沙渡

龍湖渡 吳村渡 王公渡

縣南七里渡

油洲渡 烏傳渡 東塘渡

小河渡 蓮池渡 大吳渡

長演渡 劇付渡 水口渡

方溪渡 劉公渡 九龍渡

崇仙渡

縣北東傳渡

營潭渡 龍王渡 俱通贛縣

縣西南參口渡 通南雄

縣東北吳村渡 通贛縣

興國縣

南門興衆橋 廣志橋

西門山下橋 西山塔下橋

北門濺江橋 俱通判王熊建

龍興橋 在龍王潭明萬曆辛亥知縣吳宗周

創建以障水口橫列七墩架木爲梁繼任蔡鍾

有訖其工上覆以屋旁置欄楯未幾被水衝圯

衣錦鄉小奮橋

空心佛橋 五郎橋 龍子橋

黃枝橋 竹園橋

清德鄉荷壩塘

小花橋 武昌橋 池口橋

長安橋 節義橋 免口橋

靈山橋 赤岡橋

儒林鄉德星橋

結傳橋 暉院橋 廖屋橋

雲溪橋 桐陵橋 圳下橋

大足鄉馬良橋

上過橋 下過橋 桐溪橋

通衆橋 獨江橋 水南橋

下獨橋 屋山上中橋

黃龍橋 太平橋 大陂橋

迎薰橋 清泉橋

寶城鄉大花橋

縣南隅竹垎渡

東門外武塘渡

清德鄉溫陵渡

孟口渡 新水渡 澄塘渡

白沙渡 程渡

儒林鄉回列渡

大足鄉龍下渡

太平鄉方流渡

寶城鄉苦蒲渡

會昌縣

東門抑洪橋 明萬曆癸丑知縣冒夢齡鼎建

爲石墩凡九枕以木堰以磚護以欄表以坊計

廣二丈長五百餘尺高二十有八尺費一千六

百有奇

縣西會通橋 在舊會通鋪前今廢

懷仁橋 上中下三座

縣北五里牌橋

珠瀾鋪廣濟橋 居民婁應奎造萬曆癸丑知

縣冒夢齡修長七丈上覆以屋

懷仁保龍至橋

白雲山下虎溪橋

二都五陂橋

西門臨清渡

一都湘鄉渡

冷水渡 石門渡

羊角渡 峽頭渡 大會渡

葉坊渡 謝坊渡

懷仁鄉黃坊渡

莊埠渡 懷仁渡 小化渡

鷓鴣渡

溪背魚溪渡

桂林渡 麻州渡 龍船渡

安遠縣

城橋 三座一在迎薰門一在賓陽門一在拱

極門俱知縣甘文紹建

縣南大橋 宋縣令王澹建

西瓜堤橋

縣西濂川橋 宋嘉定丙子縣令袁士表建明

嘉靖乙卯知縣吳卜相伐石重建改名羅星

修田坊拱橋

南巡橋

南水鄉黃土潭橋

龍安橋 望恩橋 利涉橋

北水鄉龍頭橋

弔規口橋

長沙保逕口橋

固營保滑石橋

龍石橋

龍頭渡 在大橋頭

板石渡 在官坑凹下

湯邦渡 在龍泉保

社山渡 在龍泉太平二保之界

河口渡 在固營保

長寧縣

縣南太平橋

福善橋

縣西通濟橋

縣北東拱橋

河嶺渡 城江渡 新村渡

車頭渡

寧都縣

縣東苦竹橋

土隔橋 長江橋

縣南第一橋

第二橋 第三橋 第四橋

文昌橋 毛坑橋 桑園橋

縣西長巡橋

縣北拱辰橋 宋淳熙年建

美山橋 獅子橋 田西橋

流芳橋 蓮湖橋 蓮陂橋

姜逕橋 吳池橋 清平橋

駱駝潭橋 杉口橋 百路石巡橋

曾公橋 楓逕橋 黃潭橋

山角橋 下沽橋 月桂橋

古坑橋 遙步橋 廖元橋

龍舌橋 廖屯橋

縣東南江東橋

浮藍橋 石溜橋 雲逕橋

縣東南通濟渡

下謝渡 渡頭渡 璜溪渡

鍾公渡 鹿江渡 黃村渡

大龍渡 小龍渡 龍下渡

縣北朱家渡

魚江渡 羅巷渡 羊灌渡

鰲口渡 中傅渡 林池渡

棠梨渡 苦株渡 孚惠渡

南當渡

縣西北蓮塘渡

瑞金縣

縣南雲龍橋 舊名綿福宋縣令孟植建

羅溪橋

縣西嚴坑橋

大埠橋

縣北菱角橋

東北壬溪橋

西南武陽橋

會通橋

西北通濟橋

南門縣前渡

北門雙清柳渡

浮鄉漁舡堤渡

武陽園渡

招名鄉譚屋渡

白杭渡

龍南縣

東門橋 東江橋 宋縣令林克思鄭輪建

南門橋 西門橋

縣東下汶橋

長橋

縣南雙院橋

橫溪橋 尹山橋

縣北龍頭橋

洒口橋

縣東北寧江橋

縣西北樓背橋

南逕橋

縣東東山寺前渡

里仁渡 上營渡 縣南連塘渡

縣西水西渡

象塘渡 許坊渡

縣北北門渡

關西渡 寧溪渡

縣西南羅盤石渡

龍眼渡

石城縣

西門瑞昌橋

北門興賢橋

小石橋

縣南臥虹橋

縣北延慶橋

赤江橋 通濟橋 杉溪橋

長上里西坑橋

李獵石橋 石排橋 長樂橋

若班隴橋

石上里羅源橋

分水橋 盧坑橋 東門嘴橋

柞竹坑橋

石中里何石橋

龍坑橋 鋪背橋 石板橋

南嶺橋

禮上里砥石橋

顧東橋

龍上里秋口橋

楊源礫橋 礫下橋

東門渡 南門渡 古樟渡

定南縣

南門橋 西門橋 水東橋

泥竹園橋

高沙保下坊橋

黃乾頭橋 下池橋

下歷保司灣橋

鄭屋橋 司前橋 大湖橋

潭慶保盤古橋

十二坵橋 魚逕橋

太石保逕口橋

粗石橋

橫江保仙嶺橋

上坑橋 黃沙橋 官橋

安寧橋

江南里程嶺橋

南門渡

高砂保火甲渡

大竹園渡 石頭渡 月江鋪渡

大石保九洲渡

小石保長布渡

鶴子渡

內江官渡 知縣章筥設

贛州府公署考

通志

本府 贛縣附郭

府治 在城之北明洪武初年建

經歷司 照磨所 知事 俱在府治內

司獄司 在贛縣治東

陰陽學 醫學 俱在縣治西

贛縣治 在府城東北明洪武初年重建弘治

辛亥重修

長洛巡檢司 在黃金鋪今廢

桂源巡檢司 在縣雲泉鄉

磨刀寨巡檢司 在縣愛敬鄉

外縣

零都縣治 在城之南宋紹興己未建明洪武

元年重修

平頭寨巡檢司 在縣知義鄉

青塘寨巡檢司 在縣藍田鄉今廢

印山巡檢司 在縣治東北今廢

陰陽學 久廢

醫學 久廢

信豐縣治 在城之東唐天寶元年建明洪武

重修正德甲戌重建

新田巡檢司 在縣治東一百里

陰陽學 在縣治東

醫學 在縣治西

興國縣治 在城東南宋太平興國壬午建明

洪武初年修

迴龍寨巡檢司 衣錦寨巡檢司

陰陽學 在縣治東

醫學 在縣治西

會昌縣治 在城之北宋太平興國壬午建元

陞爲州明洪熙戊寅改建

湘鄉巡檢司 在縣治南八十里

承鄉巡檢司 在縣治北八十里

河口巡檢司 在縣治今廢

陰陽學 醫學 俱在縣治南

安遠縣治 城北唐貞元戊辰建明洪武重建

板石巡檢司 在縣治西北七十里

大墩巡檢司 在縣治東

陰陽學 附城隍廟

醫學 在縣治西南

長寧縣治 在水東門內明萬曆乙亥建

雙橋保巡檢司 在縣治北一百二十里

陰陽學 醫學 俱在縣治內

寧都縣治 在城之中隋大業三年建明正統

壬戌重修

下河寨巡檢司 在縣感惠鄉

陰陽學 醫學 俱在縣治南

瑞金縣治 在城北宋紹興壬申建明弘治甲

寅年重修

湖波巡檢司 在縣治東北八十里

瑞林巡檢司 在縣治西北一百里

陰陽學 在縣治西

醫學 在忠烈祠後

龍南縣治 在城東北南唐保太建明嘉靖癸

亥重修

陰陽學 醫學 俱在倉門樓東

石城縣治 在城東南南唐保太十一年建明

洪武初年重修

捉殺寨巡檢司 在縣治西

陰陽學 醫學 在縣治東今廢

定南縣治 在城南明隆慶庚午建

下歷巡檢司 在下歷保西

陰陽學 醫學 俱在縣治東

贛州府學校考 書院社學附 通志

本府 贛縣附郭

贛州府儒學 在府治東宋慶曆中創于澄清

坊治平間徙于豐樂寺紹興間火知州趙善繼

重修元末燬至正間重建尋火明洪武甲辰再

建成化間知府曹凱易景德寺改建府縣二學

嘉靖壬戌御史陸穩修按舊學在紫極觀今爲

祥符宮遂從諸生之請遷復舊地後圯萬曆庚

寅知府黃克績重建

社學 各縣皆有散在四處

贛縣儒學 按圖經舊有廟近紫極宮宋廣紫

極宮爲祥符宮廟遂廢皇祐初即故址東南建

學明成化間徙景德寺嘉靖間遷復祥符宮與

府並萬曆甲辰督府李汝華仍遷于景德寺故

址庚申壞督府周應秋協郡縣官余文龍翟元

肅劉末基重修

濂溪書院 在縣治東三里周濂溪嘗通判虔

州後人因建書院

先賢書院 在縣治東宋楊澹軒精舍故址門人尚書陳韓請于朝建

外縣

寧都縣儒學 在城西隅宋天聖間建景祐間凡三徙元初復徙縣西北隅明洪武初增建弘治間副使張璉新之正德間火知縣劉天錫乃以學址易紫陽觀改建嘉靖庚子復今所

信豐縣儒學 在縣東南宋景德中建紹興至元屢火屢遷明成化中又火弘治間副使張璉重建後又火副使楊璋重建嘉靖間同知張銓修葺

陽明書院 在縣內

興國縣儒學 宋始建于南門城外治平間歷三遷至明嘉靖推官許鑰謀遷治平觀以舊學址易之後燬同知毛汝麒鼎建萬曆知縣吳宗周重修

安湖書院 在縣治東八十里

會昌縣儒學 舊在縣西北隅元末火隨重建明洪武戊申徙于東北壬申火永樂間知縣王文孜重建成化間知縣梁潛購千戶白瓊故宅廓而新之萬曆間知縣冒夢齡重修

安遠縣儒學 在縣東宋慶曆間建紹興中徙興慈寺元大德徙今所元末火明洪武丙午知縣周泰重建弘治癸丑知縣甘文紹修葺
長寧縣儒學 在縣治左明萬曆乙亥知縣沈文淵建

寧都縣儒學 舊在縣治東隅宋崇寧中建紹

興國徙城隍廟右紹定間徙西城外元末火明洪武初邑人兵部侍郎彭祥重建正德間徙崇福寺萬曆間知縣林挺仍改建于西城舊址
梅江書院 縣令夙子興建

瑞金縣儒學 舊在城隍廟宋崇寧中徙縣東紹興間又徙縣右明正統間火景泰間知縣徐安修建弘治中徙東嶽廟嘉靖間知縣鄧杞復徙故址隆慶辛未知縣呂若愚以學面逼城垣購民間隙地廣之萬曆間知縣褚奎臨潘舜曆修葺

龍南縣儒學 舊在縣東南集賢坊宋元祐間建明洪武初重修後燬教諭陳九思議併郡學正統間復建學成化間遷城內正德中知府邢珣崇土三尺以杜水患隆慶間改遷于城南巽隅都御史張紳知府黃辰知縣文程王繼孝相繼畢工

石城縣儒學 舊在縣治東北唐長興間建宋紹興間徙郭頭又徙迎恩坊元末燬明洪武初重建後徙中節坊復徙安仁門南正德間水圯隨遷舊基後圯萬曆壬寅知縣唐元嘉改建
定南縣儒學 在縣治左隆慶庚午都御史張紳議建辛未都御史殷從儉知府黃學海知縣陳時範重修

贛州府賦役考 通志府志合載

府總
寔在人丁五萬二千三百四十二丁食鹽課三萬二千四百三口五分寔共徵銀一萬二千四百一十二兩七錢五分七釐六毫內贛縣石城二縣于康熙二十年編審案內審除絕亡人丁二千四百一十三丁食鹽課六百九十五口共應減銀四百三十二兩五錢五分一釐五毫現奉部覆豁免

寔在成熟田三萬二百五十一頃五十三畝八分四釐七毫八絲七忽七微八纖
地一千八十頃三十一畝六分八釐四毫八絲九忽三微二纖
山四百九十頃二十七畝八分一釐一毫
塘八百四十頃九十七畝五分三釐二毫一絲四忽九微

官瓦草房八十四間共寔徵銀一十一萬五百六十三兩五錢五分一釐七毫五絲八微五纖
寔徵米二萬四千三十一石三斗八升三合五勺九抄二撮

贛縣

原額官民田地山塘六千一百六十三頃三十二畝九分九毫

夏稅鈔六百二十三錠一貫七百七文
秋糧米一萬八千三百四十五石七斗九合九勺
農桑絲四十一斤二兩九錢